

金

石

續

編

金石續編卷第十五

宋

武進陸燿燾纂

太倉陸增祥校訂

宋三

惠州野吏亭詩刻

高六尺二寸廣三尺八寸二十行行二十七字正書篆額題惠州野吏亭詩六字在廣東惠州府

惠州野吏亭詩并序

尚書屯田郎中知軍州事黃仲通述

故相國潁川公咸平二年以太常丞典惠陽郡酷愛其四顧谿山景物尤勝創亭于城之上目曰野吏作五言十韻律詩一章天聖十載以給事中入叅大政復作五言小詩二章寄題是亭未幾寵加

聖注位正台席時或接賓翹館論及奇勝必以惠州野
吏亭為稱足見相國眷眷介懷於茲矣與夫管賢刺宣
城郡架層構於百雉觀疊嶂於四垂其尚奇之心一也
皇祐五季仲通假守茲郡治亭舊基以前之□章第刊
于石庶乎來者知亭之興自 陳相國始

野吏亭新成作五言十韻律詩一章

太常丞知軍州事陳堯佐

野吏厭公堂開軒出郡墻殘花炎帝國斜日尉他鄉疊
嶂分諸粵重江截大荒耕桑蠻聚落煙火漢封疆雲勢
飄蓬島天形壓夜郎扁舟閑得侶嘉樹遠成行海雨千
林暮春風百草香人家浮浩淼鳥道沒青蒼爽塏吟魂

健虛明夏景涼他年重迴首牢落愧甘棠

寄題惠州野吏亭五言小詩二章

金紫光祿大夫行給事中參知政事柱國陳堯佐
羅浮山下郡樓閣枕滄溟誰得閑中意清風野吏亭山
好曾留句城高復創亭登臨千萬景誰與畫為屏

仲通載葺是亭脩紀遺烈因成蕪綴附于末焉

危亭治舊基登覽一何竒萬態羅浮景三章宰輔詩嵐
光如畫處霽色乍開時味此休閑趣惟子野吏知

至和元年十月三日立

進士黃岳書
僧宗刊字

詩刻在惠州府城北堞上序云故相國潁川公咸平
二年以太常丞典惠陽郡而宋史王偁東都事略柯

維騏宋史新編皆不載攷廣輿記稱其以潮倅權惠州豈諸史因其權守故略之耶惠州本名楨州九域

志云因仁宗廟諱天禧五年改名惠州

補志云四年誤

不見

惠陽郡之名

宋史志寰宇記同惟藝文志稱有黃以圍惠陽志十卷

蓋文人之

詞非典也野吏亭詩見宋詩紀事爰帝國作爰帝國

重江作重城又寄題野吏亭五言小詩二章紀事亦

未載蓋第據圖經所錄而未見石刻也惟石刻云天

聖十載以給事中入參大政考宋史東都事略宋史

新編六一集文惠神道碑皆作七年此云十年蓋摸

勒誤爾黃仲通韶州人見武溪集所作墓志此刻題

銜知軍州事而序又云假守者四朝聞見錄云太祖

罷節度立權發遣與權知之類故士大夫作郡皆自

稱假守謂非真節度也

通志

晉祠銘碑陰碑側題名十二段

碑高廣見萃編碑陰題名八段碑側厚八寸題名四段分四截字大小不等起至和訖政和在山西太原

邢佐臣等題名碑側第二截三行行六字正書左行訪碑錄作余藻題名未辨其左行也

大宋至和二年四月十日邢佐臣余藻同來

盧大雅等題名

九行行七字正書在碑陰

熙寧戊申歲秋九月十四日范陽盧大雅君美臨川王安禮和甫清源王本安國同謁 晉祠舍均福堂明日

如白雲石甕宿明仙又明日遊甘泉開化而歸本題

王安脩等題名

四行行七字正書在碑陰訪碑錄未載

太原王安脩世長廣平程易先之安陽蔣攸渭公熙園
癸丑孟夏同遊

龐京孫等題名

二行行八字正書在
碑陰訪碑錄未載

龐京孫同弟公孫男山來元豐三年八月

邢平等餞送題記

四行行十七字
行書在碑陰

大帥王公得請還青社府通判邢平權林陽曲縣令崔
衮規臣從事盧訥仁老高震伯起袁百之必強主簿江
昂餞送元豐七年正月八日記

呂升卿還朝題記

碑側第三節六行行十
四五字不等行書左行

元豐七年正月予伯兄吉甫帥太原五月升卿被

旨來面授所議事入奏六月十七日還朝過晉祠姪維

洵及余中李士亨高陟明饒送至此男洞待行溫陵呂
升卿明甫題甥余徹□□

曾布等禱雨題記

十二行行八字行書
在碑陰訪碑錄未載

龍圖閣學士河東經略安撫使曾布提點刑獄朝奉大
夫范子諒躬率寮吏禱雨 祠下通判太原軍府事田
盛高復發書河東節度判官盧訥知陽曲縣馮忱之走
馬承受王演檢法官史辯從行元祐丙寅歲七月十三
日訥謹題 刊者任既

邵堦題名

二行首行八字次行
十字行書在碑陰

丹揚邵堦伯友恭謁

靈祠元祐己巳仲春二日

曾布告遠題記

碑側上截五行
行十四字正書

魯郡侯曾布以元祐丙寅歲閏二月庚戌出帥河東四月丙辰至太原視事已巳四月丙午易守真定五月卒如率僚吏告違于晉祠之神丙申受代而東子壻興國吳則禮書

王脩脩廟題記

碑側下截六行行十一字正書訪碑錄未載

紹聖二年四月二十一日

大帥左轄王公命王脩永之再新廟宇是年十月初二日國口公度王口元規來按視呂珣溫甫蕭經臣伯隣偕行王良弓餞之替役同至

陳知存再謁題記

五行行七字行書在碑陰

紹聖乙亥嘗恭謁晉祠政和乙未再到六月十二日本

路轉運使陳知存謹題姪銑從行

苗仲淵題名

三行行九字十字不等在碑陰

開封苗仲淵師顏自湖南提刑移本路政和五年十月晦祇祠下男丕侍

按唐太宗晉祠銘碑陰碑側宋至和至政和間題名十二段凡四十餘人王安禮曾布盧訥並再見後稱大帥王公者即安禮史言安禮知太原府事故稱大帥青社指東都也安禮安石之弟安國之兄曾布曾鞏之弟曾肇之兄呂升卿則惠卿之弟其云伯兄吉甫帥太原即惠卿也事蹟並見宋史曾布子壻吳則禮字子副富川人以父中復蔭入

仕官至直秘閣知虢州著有北湖集見陳振孫書錄解題亦聞人也余藻字實夫鴈門人熙寧初廣南西路提點刑獄見臨桂隱山洞龍隱巖諸題名案筠清館所載尚有皇祐年口禹口熙寧戊申

王安禮壬戌歲馬仲良等題名三刻

陸增祥志

靈巖寺題刻五段

起至和誌紀定在陝西略陽

劉異等題記 至和三年三月劉拱正書

劉忱等題名 元豐元年七月正書

王守中等題記 嘉定乙亥八月

郭公褒等題名 寶慶丁亥六月

重刻卮閣頌記後 紹定三年五月田克仁記

藥水巖刻石三段

在陝西略陽

劉異詩刻

秘書丞監濟衆監權武興郡事劉異上

藥水標題不記年奇花深洞舊通仙

者舊相傳山上有石乳洞昔人採石

乳人此洞中約行半日忽見天色朗徹奇花異木非凡所有為白鹿所觸驚迷而迴後與人再遊已有大石塞其門矣其石尚存

山廻巨廕常遮日境絕纖埃別是天碧照東

西江浩渺綠迷高下竹嬋娟憑欄周覽翛然靜金像香

殘一炷煙

至和三年閏三月望日

尚書虞部員外郎知軍事劉拱上石

寺在縣南七里嘉陵江之藥水巖方輿勝覽稱去沔

州城七里南有二石洞洞有泉能療疾者此也今洞

又在藥水巖之上五里云洞口石尚存

關中金石記

口欽題刻 紹興廿九年二月口欽題口樛年正書

趙彥呐詩刻 嘉定癸未五月男冼夫書

此二刻未載全文即附於此

陸增祥志

封濟民侯牒

高七尺八寸廣三尺九寸二十三行前奏每行四十九字後勅每行三十九字正書隸額封濟民侯之勅六字在陝西郿縣清涼鎮廟內

中書門下

牒鳳翔府

工部郎中直龍圖閣知鳳翔府李昭遘奏臣聞祭法曰山林川谷能出雲雨見怪物皆曰神有天下者祭

百神諸侯在其地則祭之亡其地則不祭又漢郊祀志汝淵陳祠天下山川隈曲往往有之臣本府管縣有九郿縣即其一也縣有太白山山在縣南四十里謹按圖經所載辛氏三秦記云太白山在武功縣南去長安三百里不知高幾許俗云武功太白去天三百山下車行不鳴鼓角鳴則疾風暴雨立至周地圖記云太白山上常積雪無草木半山有橫雲如瀑布則澍雨常以爲候故語云南山瀑布非朝即暮乃知茲山候雨自古而然神靈尸之宜有禱應也山有祠廟不知建置之始唐世祀之正元中詔京兆尹韓皇重修據柳宗元集中有碑具載靈應今錄柳碑於前

後唐清泰中復加繕葺國朝祥符三季再遣使修完
春秋邑令致祭列在祀典山巔有湫每遇歲旱府累
及他境必取水禱雨無不即驗朝廷近季累遣內臣
投真龍簡臣到任以來詢訪前後之異其事既出傳
聞不敢寫錄今止具今季春夏已來兩次得雨親驗
事實所陳二事非臣獨視道路之人不可誣也伏見
朝廷恤民之意甚厚崇祀之志甚恭前件太白山本
前世欽奉之地靈貺昭晰今古所信靈湫在上顯應
如此其太白湫水欲望聖慈特加封爵臣兼聞慶曆
七年五月河南府王屋縣析城山聖水泉特封為淵
德侯其例未遠可舉而行或蒙報實慰羣願伏候

勅旨

牒奉

勅禮云五嶽視三公四瀆視諸侯非有豐功曷膺上爵
太白山湫名山之有神龍所潛每遇旱暘必伸禱請能
爲霖雨以澤民田守臣有言蒙福甚遠宜降十行之詔
用疏五等之封以答神休以從人欲宜特封濟民侯仍
令本府老官祭告牒至准

勅故牒

至和二季七月十三日牒

給事中叅知政事程

戶部侍郎平章事富

兵部侍郎平章事劉

吏部尚書平章事文

嘉祐二年三月一日將仕郎守鳳翔府郿縣令

賈蕃立石

張遵鏞字

按此封太白湫神為濟民侯昭邁舉慶厠七年聖
水泉封潤德侯為例然真宗時已封通泉廟為靈
派侯昭邁祗就仁宗時言之爾皇祐元年五月遣
官祈雨三年三月分遣朝臣詣天下名山大川祠
廟祈雨至和二年四月遣官禱雨故云朝廷近年
累遣內臣投真龍簡碑列給事中叅知政事程者
程戡也戶部侍郎平章事富者富弼也兵部侍郎

平章事劉沆也吏部尚書平章事文者文彥博也是年六月陳執中罷彥博再相弼亦同入此為七月十三日牒正與史合通典天寶八載封太白山為神應公故嘉祐六年早簽書鳳翔府判官蘇軾禱神得雨軾代守臣宗選請于朝有云昔公而今侯是為自我而左降乃勅封明應公熙寧八年封福應王奏稱曆世正元中即貞元也禎為上名故兼避貞此牒嘉慶中吾友劉雨田用彙宰郡拓贈

白雲巖陳侗等題名

高四尺廣二尺六寸六分行七字字徑三四寸正書在廣東惠州府龍川縣

嘉祐二年丁酉七月乙酉郡太守陳偁同田曹外郎黃汝礪游白雲崑杜簡陳琪陳偕王宜與焉曾伸書

僧應璣開石

按曾伸書陳偁等題名新修廣東通志未見石刻就翁氏金石畧錄之職官表陳偁字君舉沙縣人治平間知惠州軍州事據此題名則陳偁當仁宗嘉祐二年知循州海豐郡龍川即其地也

彥脩書刻題後

詩帖草書跋正書凡二石在西安碑林

肚痛帖 寄邊衣詩 入洛詩俱不錄

乾化中僧彥脩善草書筆力道勁得張旭法惜哉名不振於時遂令摹刻以貽同好嘉祐戊戌歲冬十月九日

司農少卿知解梁郡李丕緒題

寄邊衣詩重重白練明如雪句明如雪全唐詩

作如霜雪

陸增祥志

李師中宋頌

高一丈廣六尺十七行行十九字字徑二寸五分第二行二十三字末行二十八字字皆二寸夾註字寸許額題宋頌二大字字徑尺正書在廣西臨桂縣龍隱岩迴穴

宋頌

廣西路轉運使兼勸農使尚書虞允外郎臣李師中撰

神武頌

太祖也以天下授

太宗永有休

功其古之聰明睿質神武而不殺者夫

有天下不與子推大公永天命

遂定四方其功冠萬世獨出史臣不究其極未足以明盛德大業故作頌焉

於赫神武不顯其功 天命在躬圖惟厥終不卜不
謀忒命 太宗惟 帝之心天地之公

文明頌

太宗也煥乎其有典常始作樂告其成

功焉

本朝承五代之敝稽古典常之事至是備焉故頌以美之

於昭文明繼序其皇既其典常底定四方清廟用章
德音不忘

仁功頌

眞宗也能申 上帝之祐以和戎狄以

安萬民

專用德化致百餘年大定自成康已來未有如此者也仁恩厚矣生息旣矣繼之以禮樂則萬

物其終乎王道其成乎頌之作也蓋有待焉

於穆仁功已任天覆萬民靡不壽懷爾戎狄以及鳥
獸于嗟仁功草木潰茂如文王之囿

嘉慶有日勅桂州之韻隱庵 前駕州合浦警官陳信書

按宋史李師中傳師中字誠之楚國人提點廣西
刑獄攝帥事邊人化其德多畫像立祠以祀稱桂
州李大夫不敢行證以留題風洞詩序云師中嘉
祐三年九月受命來嶺外七年十一月得請知濟
州留詩以志歲月則知師中在桂五年是刻宋頌
即去桂之年所撰道光四年春果亭撫部成格自
桂林還 初携贈拓本

重刻醉翁亭記

篆書在
費縣

滁州琅琊山醉翁亭記

記文不無

大宋嘉祐七年夏十月庚寅蘇唐卿上石於費之縣齋

鐫者口口

蘇唐卿歐公故人也知費時公已去滁而位相以書請公所作醉翁亭記而篆之立石於費宋嘉祐七年也予以宏治十年春來篆刻土覆微露其未啓之磨洗乃知顧謂僚吏者歐名相也蘇名宰也佳章善篆沉二百年而金元人未知是可慨也已遂命衆扛豎縣儀門之下庶風雨日之不剝落云伊洛楊惠識

蘇唐卿不見史傳楊惠跋稱其知費時公已去滁而

位相以此記請於歐公而立石者

山左金石志

吳縣有蘇唐卿篆書竹鶴二大字慶元二年何異跋稱為武功人蓋仁宗時以篆籀書名者宋詩紀事云

唐卿官寺丞所篆醉翁亭記後附刻唱和詩此本無之當在碑陰為拓者所遺今補錄於後

唐卿既篆歐公侍郎滁州琅琊山醉翁亭記上石訖思莫能致之滁上因斧官之隙地衆材堪梁棟者支其榱桷構堂于廡舍西偏高三尺植記於中楹焉圖悠久也因成長句五十六字兼寄獻歐公侍郎醉翁亭記醉翁堂遠取琅琊即費鄉高世雄文刻翠琬老山孤幹負虹梁左鄰鰲海三神島西倚儒宮數仞牆雖愧篆工非墨寶英辭終與借輝光鄉貢進士龔啟和滁守南遷記醉狂篆刊移近舞雩鄉當年寓興臨山水今日希風構棟梁吏部喪文辭避席陽冰

閣筆讓循牆東沂從此遺聲迹迴掩桐廬翰墨光

范公

希文守桐廬作嚴先生祠堂記

鄉貢進士邵忱和

歐公頃歲守滁陽題記蒼顏入醉鄉賢宰特將刊古

篆舊碑不免棄山梁

舊碑乃陳知明所作

軒楹別構如安研筆

札難通似面牆異日智仙來輩去退蒙從此謝聲光

退蒙乃知明字

武昌史辭和昔日歐公鎮永陽構亭直在

水雲鄉醉翁嘯傲曾為記賢宰風流到架堂老筆健

道刊琬璧晴嵐瀝滴照門牆更吟新咏深堂秘相伴

崑山片玉光登州防禦判官張頌和重惜歐公滁

記好模刊翠琬費堂新文華起焰衝星斗篆法通靈

動鬼神觀妙每多師道客仰高常有慕賢人璨然輝

目如辰象不朽宜為萬世珍

筠清館金石記

筠清館載有滁州一本及新鄭縣明刻之本附

錄於後

陸增祥志

醉翁亭記

環滁皆山也

至醉翁亭也

第一

僕提攜往

來而不絕者

至

蒼顏白髮頹然乎

第四

封劉君季孫自

高郵來過滁守河南王君詔請以滁人之意求書於軾

軾於先生為門下士不可以辭十一月乙巳

第七

此碑乃大興翁覃溪先生所貽以行格計之凡七石

拓本存第一第四第七三紙餘石之存不可知字

體之大小榦架與前錄歐陽公自書殘本如出一手

蓋坡公書歐文即用歐法作字也又明人刻有草書

此記其題款亦與此同蓋贗本也附錄於後以俟知者審之

歐陽永叔醉翁亭記

環滁皆山也

至

太守謂誰廬陵

歐陽公也

廬陵先生以慶曆八年三月己未刻石亭

上字畫漏淺恐不能傳遠滁人欲改刻大字久矣元祐

六年軾為潁州而開封劉君季孫請以滁人之意求書

於軾軾於先生為門下士不可以辭十一月乙未眉山

蘇軾書

此本在河南新鄭縣

此石後有趙文敏宋昌裔吳文定沈石田文三橋高

文襄鄆陵劉棻及其裔漢蔡祐等九跋皆以為坡公

真蹟初為趙子固高仁卿馮伯田諸家所藏至隆慶

五年高文襄始屬三橋摹勒而命吳應沂刻之於石
然坡公既以正書大字應劉君之請矣何以又為草
本亦同此月日而絕不言其正草並書之故且自跋
謂廬陵原書褊淺恐不能傳遠滁人欲改刻大字久
矣此書不大又何以稱滁人之意其草法之與公書
不類更不必置辨也特存其全跋足以補前本之闕
文云

李師中龍隱巖詩

嘉祐七年十一月在廣西臨桂

李奎太史公廟詩

高二尺一寸廣三尺四寸十四
行行十字正書在陝西韓城縣

司馬大史廟詩二首

太常博士知同州韓城縣事李奎上

生在龍門境葬臨韓奔坡荒祠隣后土孤塚墜黃河
水愁聲遠梁山慘色多一言遭顯將奈漢君何

又七言

著書雖已先三史論道如何後六經因雪李陵為國士
豈期武帝有宮刑叢生荆棘迷墳塚舊畫龍蛇照廟庭
為覽遺文來一奠不知何在子長靈

治平元年閏五月二日記

按李奎司馬大史廟詩治平元年知韓城縣事時
刻石詩有龍門韓奔坡渡水梁山諸地元豐九域

志同州馮翊郡定國軍節度治馮翊縣領縣六韓
城州東北二百里有大梁山峒水攷古雍州之域
有二梁山書治梁及岐詩弈弈梁山春秋梁山崩
爾雅梁山晉望皆指韓城之梁山即古呂梁龍門
之南山也曰大梁山者以別乾州之梁山孟子稱
太王去邠所踰之梁山耳濂水在韓城南東南入
河當即峒水司馬遷云在韓城南二十里芝川鎮
也

伏波巖宋人題名十八段

起治平訖景定
在廣西臨桂縣

余藻題名

高二尺五寸廣四尺八寸六行行字
不等年月二行行七字行書左行

知桂州兼經略安撫陸誥 提點刑獄公事余藻 轉
運判官孔延之 兵馬鈐轄白均 徐印 新知鬱林
州姚原道 經略司勾當公事劉恕

治平二年立夏後二日會於此藻題

按宋史陸銑傳銑字介夫餘杭人治平初知桂州
又文苑傳劉恕字道源治平三年司馬光修資治
通鑑薦恕為局僚時恕為和川令無官廣西事此
劉恕蓋別一人非道源也余藻字質夫鴈門人孔
延之字長源魯國人姚原道字彥聖吳興人見治
平元年龍隱隱山諸題名曾南豐集司封郎中孔
君墓誌君諱延之字長源新淦人孔子四十七世

孫東坡孔長源挽詞君勝宜為夫子後林宗不愧
蔡邕碑是也長源居新淦而稱魯國從孔氏舊望
也白均徐印未詳

達夫等題名

高一尺二寸廣一尺八寸六
行行四字正書經二寸五分

南陽達夫會稽蔚宗清江志康熙圍王子八月朔日同
遊東巖

按神宗熙寧五年歲在壬子閔杞字蔚宗傳變字
志康時皆提舉常平達夫無考

潘景純米黻題名

高二尺廣一尺五寸題名二
行三月二行行書經五寸

潘景純

米黻

熙七年五月晦同遊

按宋史米芾傳芾以宣仁后藩邸舊恩補浚光尉

方信孺畫象記言在桂得元章所作僧紹言詩序
乃知嘗尉臨桂是刻蓋尉臨桂時所題

曾布等題名

高一尺三寸廣三寸二分
六行行六字正書徑寸八分

起居舍人龍圖閣待制知桂州曾布子宣轉運使尚書
度支郎中直集賢院陳倩君美副使殿中丞苗時中子
居提點刑獄太常博士劉宗傑唐輔提舉常平秘書丞
齊諶子期管勾常平前江山縣丞劉誼宜父元豐二年
六月初三日自風洞遊伏波巖

按廣西金石略南豐嘗市浦城陳倩或稱建安甬上苗

時中或稱符離洛陽劉宗傑或稱永安愆陽齊諶吳興劉誼

或稱長興冷水巖龍隱巖疊采山題名不一宋史姦臣

傅布學于兄鞏同登第元豐初以龍圖閣待制知
桂州苗時中傳其先自壺闕徙宿州交人犯邊擢
廣西轉運副使粵西文載劉誼元豐初提舉廣西
常平乞裁損役錢又請罷買沈香減鹽價四十餘
事上稱其論事有陸贄之風王安石銳意新法極
諫不便黜歸宋詩紀事劉誼上疏論新法勒停隱
茅山誼以論新法去官曾布以贊行新法起官志
行不合而誼與布蹤跡親密且作曾公巖記以美
之豈和而不同之義耶

陳倩等題名

石高三尺二寸廣二尺五寸
五行行六字正書徑三寸

建安陳倩彭次雲歷陽齊諶吳興劉誼元豐三年十二

月廿四日同遊伏波巖

卷十五

後二日大梁和斌獨遊

此行正書
徑寸二分

王軾

偏左字
徑六分

按宋詩紀事彭次雲吉水人元豐中桂林郡僚以
雉山題名證之時以奉議郎提點刑獄也和斌字
勝之濮州鄆城人狄青南征為前鋒擢文思副使
權廣西鈐轄累遷皇城使昭州刺史以蔡州團練
使知宜州遷西上閤門使知邕州見宋史本傳廣
西金石畧彭次雲上增吉水二字王軾下有題字
並與原刻不符

王軾二小字與前文不屬金石畧
總題此段為王軾題名亦未審也

譚技文初題名

縱橫各二尺三寸五行行
五字正書徑二寸許左行

曲江譚技弟拱林湟川蕭汝明同遊紹聖丁丑孟秋二

日文初題

按哲宗紹聖四年丁丑譚投字文初湟川字甚顯
廣西金石畧誤作湟川

劉鎡等題名

石高二尺一寸廣二尺八寸十行行六七字不等行書徑三寸許左行

萃編錄此作伏波巖還珠洞題名茲不復錄

按己亥為宣和元年宣和六年蔡懌為經畧安撫
建炎二年侯晉卿為廉訪並見題名

毛子嘉周彥作題名

縱橫各三尺六寸前七行行九十字不等徑三寸後二行徑寸

許並行書左行

桂林富有崑穴而盛暑易於來遊者唯東崑冠之宣和
庚子六月二日三衢毛子嘉率天台周文庸睢陽張大

原四明林芑民巴陵黃師心三衢徐伯材會飲於此
翌日天台周彥作復携酒與昨日諸公偕來獨文席伯
材不至而宜陽吳廷貺與

庚子宣和二年

蔡懌等題名

高二尺五寸廣二尺三寸八分
行十字字徑二寸三分正書

經畧安撫蔡懌同提點刑獄尚用之轉運判官黃鐸轉
運判官曹邁提舉常平王舜舉廉訪使者練山甫早飯
靈隱過曾公崑樓霞風峒程公崑烹茶晚會於八桂伏
波崑抵暮而歸時宣和乙巳季春初十日題

按尚用之字仲明江都人宣和間任提刑後寓桂
水東石佛真教二寺南來士夫樂與之遊喜獎勸

後進卒葬與安子孫占籍于桂

見文

練山甫建安

人名

見題

乙巳宣和七年

呂成之題名

高一尺八寸

廣五尺八寸十二行
四字字徑三五寸行書左行

晉江呂成之詣

樞府稟議

紫洲李域建安呂著長沙

李服休都嶠陳覺湘潭吳芾飲餞於伏波巖靖康初元

季夏四日

鄭子禮題名

高一尺

廣七寸四行行
五字字寸許行書左行

拱輔鄭子禮挈家來遊陸興甲申中秋日

按陸興甲申孝宗嗣位二年也乙酉改元乾道

林得之題名

高一尺三寸

廣一丈十六
行二字字徑六寸行書

林得之置酒喜豐堂劉子思滕子昭蔡濟忠林德光張

安國同集乾道元年臘日

劉舜舉題名

高二尺二寸廣一尺三行行字不等行書經二三寸左行

劉舜舉張子容子直子安胡宗周同來庚寅三月中泮

按庚寅為孝宗乾道六年子直子安胡宗周字刻

完好廣西金石略誤作子直子斐胡宗回豈搨本

未顯耶

方信孺等題名

正書一行字徑寸在陳青題名之右

方信孺楊志李闕祖嘉定六閏十七同遊

按嘉定六閏嘉定六年閏九月也

徐敏子題名

高二尺四寸廣二尺八寸七行行字不等行書徑三寸左行

黃岡徐敏子銜

命措度南州館穀巖側客四明戴交

長沙韓夢發寶後周翦星渚馮弼外孫上餽尤日新侍
時淳祐丙午中春下澣

按宋史理宗紀淳祐四年監察御史胡清獻劾淮
西提刑徐敏子三罪詔削兩秩送江州居住五年
三月詔嚴賊吏法仍命有司舉行彭大雅程以升
吳淇徐敏子納賄三罪當卽此人蓋旋罪旋釋也
淳祐六年丙午

劉受祖惠祖題名

高二尺廣一尺二寸四行
行七字字徑二寸半行書

淳祐丙午立冬後七日廬陵劉受祖之橫槎惠祖之蒼
梧艤舟伏波巖下

胡德新題

高五尺廣二尺五寸六行行
十二字字徑四寸餘正書

長沙胡德新盤叔汎灘歸湘猶子克紹同資中郭又新
居安及鄉人周德明清叔梁口賢口佐鍾罄子峻鄭益
謙遜伯飲饒癸水亭表回巖下咲譚竟日執別煙雨中
寶祐乙卯元宵後一日

寶祐三年乙卯

李曾伯題名

續橫各三尺五寸十一行
行十字字徑三寸正書

覃懷李曾伯長孺以圖祐已酉來牧是邦越十年再開
制閩屢至此洞每輒養泉淪茗裒衷竟日令人起清斯
濯纓之想不知身在飛鳶跼跼墮水處也蓋鑿山帶水
勝絕天下而此洞又居蓼帶之勝舊有癸水一亭因城
築今更為之男杓杞籽孫國華侍景定庚申首夏二日

謹識

按宋史李曾伯傳曾伯前以國祐九年知靜江府
廣西經略安撫使兼轉運使後為湖南安撫大使
兼知潭州兼節度廣南移治靜江開慶元年進觀
文殿學士以諫議大夫沈炎等論罷又理宗本紀
景定元年五月李曾伯落職解官考曾伯開慶紀
功摩崖碑及修桂州城圖記知曾伯再開制闕在
寶祐六年戊午景定元年庚申首夏其時尚未解
職也曾伯河內人故稱覃懷 伏波巖南北宋題
名不可勝記今就所得拓本錄之悉附于治平之
後其詩刻仍按時代分編

九曜石宋人題刻廿二段

起治平訖咸國石高廣不等入石在廣東
督學署藥洲池中一石在布政司署後園

盧士宏等題名

正書五行行五字
在藥洲池東石上

士宏子高昌衡平甫元規正叔安道子適丙午仲春十
五日題

丙午為治平二年也按宋史盧士宏字子高新鄭
人廣東通志治平元年知廣州軍州事其年歲在
甲辰三年為丙午時猶近也昌衡有二通志賈昌
衡治平三年任轉運使路昌衡元祐六年知廣州
軍州事賈與士宏同時路後二十餘年翁覃溪學
士方綱九曜石攷云予跋九曜石歌以為路昌衡

誤也職官表有陳安道嘉祐八年轉運判官熙寧
二年轉運使皆與治平丙午不遠未知即此子適
否元規未詳此刻通志未見

金君卿等題名

正書四行行十三字藥
洲池西北大石之中

轉運使度支郎中金君卿正叔轉運判官太子中舍許
彥先覺之管勾文字殿中丞金材拙翁門人成度公適
熙寧癸丑中伏泛舟避暑

按江西通志金君卿浮梁人登慶厯進士累官知
臨川權江西提刑入為度支郎中廣東通志熙寧
五年轉運判官六年轉運使洪邁夷堅志載君卿
讀書浮梁山策高科歷郡守部使者積伐至度支

郎中略如通志曾鞏元豐類彙有衛尉寺丞致仕
金君墓志銘乃為君卿父温叟而作稱温叟四子
君著君佐君卿君佑皆舉進士君卿以皇祐二年
官秘書丞五年官太常博士得以褒崇其親又稱
君卿以材自起於貧賤欲以其所為為天下慨然
有志宋史藝文志載金君卿集十卷集中有與文
彥博韓琦范仲淹歐陽修曾鞏張宇酬和視所與
遊其人亦可概見許彥先始與人天聖三年進士
廣東通志攷彥先熙寧十年陽春通真巖英德碧落洞
兩詩刻結銜俱轉運副使通真巖詩有七年馳使
路之句題詩碧落洞乃當被召北歸時則彥先以

熙寧五年至廣南凡七年而去

米黻題詩

行書詩三行行七字著款年
月各一行在池中仙掌石卷

碧海出蜃閣青空起夏雲瑰竒口恠石錯落動乾文

米黻

熙寧六年七月

按米南宮詩刻於僊掌石見陳少錫嘉熙己亥題
記石仆池中且為榕根盤結久久湮埋故翁氏粵
東金石畧及阮氏廣東志皆未著錄此本乃翁中
允心存拓贈宋史本傳芾以宣仁后藩邸舊恩補
滄光尉熙寧六七年正其時也八年以後蹤跡不
在嶺南矣

米黻題字

正書左行七字分三
行在布政司署後園

卷十五

宋三

五

藥洲

二字一行縱
橫各二寸許米黻元章題

五字二行縱
橫約二寸餘

按藥洲題字因與熙寧六年仙掌詩刻同時故不別著年月翁氏米海嶽年譜定為元祐元年誤以左方時仲等丙寅題名為一時未見仙掌詩刻也考熙寧八年十月浯溪詩刻云米黻南宮五年求便養得長沙掾經浯溪是南宮五年以熙寧八年為斷阮志據蕭間堂記方信孺米公畫象記温革米帖跋殷令名帖跋匱化帖跋謂元章熙寧八年以後元祐三年以前在長沙江淮間安有元祐元年復遊廣南題藥洲之理以次熙寧六年仙掌詩刻羣疑釋然

程師孟等題名

正書八行行三字在池中西北大石右之上

程師孟金君卿李字儀許彥先同遊藥洲熙寧甲寅上

元日題

按師孟字公闢吳人治行最東南在廣六年見宋史循吏傳宗儀南康人見樂昌泐溪石室題名熙寧七年師孟知廣州軍州事充廣南東路兵馬都鈐轄兼本路經畧安撫使護軍宗儀提點廣南東路刑獄並見勅祠南海神碑記君卿彥先已見

程師孟等題名

正書二行行六字在池中破石上

程師孟金君卿李字儀許彥先

按是刻通志未見不著年月附熙寧甲寅上元同

遊題名之後

許彥先詩刻

正書詩四行行七字後款一行十字下方年月左行二行行三字在池西北大

石彥先癸丑題名之左

花藥氛氳海上洲水中雲影帶沙流直應路與銀潢接
樓客時來犯斗牛 熙寧甲寅上巳

彥先再遊移穠稔穡穡侍

按南海百詠古蹟記名勝志皆稱劉氏集方士鍊藥於此故以名洲今以許詩證之乃知洲以花藥得名也

曾布等題名

行書五行前四行行十四字末行十五字在池西北大石之右

廣東經略安撫使起居舍人龍圖閣待制曾布子宣

轉運副使都官外郎向宗旦公美轉運副使屯田外郎
□□通道濟前廣西轉運判官太常卿□廣聲叔元元
豐元年正月晦日遊

曾子宣為子固之弟風流儒雅輝映一時不幸附和
紹述致宰相史家遂入姦臣之列然雖不為公論所
與而能與章惇蔡京立異亦張天覺之流也天覺既
可列傳子宣獨不可列傳乎若史彌遠姦邪甚於侂
冑而轉不在姦臣之數史家於此未免上下其手讀
史論世者所以不可無識也宋史曾布傳元豐初以
龍圖閣待制知桂州據此則知廣州日已遷待制矣
題稱廣東經略安撫使而不稱知廣州者以使職為

重起居舍人其寄祿官也轉運副使二員其寄祿官一為都官外郎一為屯田外郎稱外郎而去員字他

刻所罕見

潛研堂金石文跋尾

考李心傳繫年要錄紹興八年六月布曾孫右奉議郎愐進布著三朝正論真蹟御史中丞常同言臣聞神宗皇帝切於求治王安石創為新法於時布為腹心其政出於布之謀其法成於布之手故自海州懷仁縣令一年半間十三遷而知制誥安石嘗語人曰終始言新法不便者司馬光也終始言便者曾布也故熙寧之初建新法者王安石始之曾布成之逮紹聖初布與章愐蔡卞同秉大政

元祐之法度委若弁髦元祐之人才棄如斷梗布
內愧於私心外迫於清議乃間出一善言引一善
士以求自異於衆故正論之作也雖論元祐人章
疏不當編排而一時忠良竄斥無餘未嘗少假雖
論瑤華不當加妃號至於掖庭秘獄疑似難明而
布未嘗略辨雖以公論為不可廢而以司馬光為
詆毀以蘇轍為訕上雖論新法為不可不變而以
免役為便於凡所改迪率皆順從之言紹迷之旨
而飾小說以文之借異論以申之既欲取高位於
當年又欲掠美名於後世馴致建中之事蔡京得
以乘間而入貽患邦家而朝廷尚頒其書於史館

號曰正論臣竊感焉願復宣諭史官筆削之際毋
惑其說以致亂真庶一代之典足以垂信後世詔
付史館据此則曾布首竄兩端盜名欺世誠小人
之尤者後儒顧為所惑歟貞外郎唐人已有所外
郎者李玉溪集韓碑詩儀曹外郎可證萬姓通譜
向宗旦河內人

時仲等題名

正書題名二行行四字年月二行行五
字並左行左布政司署後闕石上米黹

題名
之右

時仲公訓積中同遊

元祐丙寅季春初八日題

師節屢遊

正書四字二行左行無年月刻于時仲
題名下方稍左字跡相類故附錄之

按時仲公訓積中及師節題名皆不著姓以元祐

二年張升卿題名證之公謂為升卿之字則時中積中師節皆稱字而非名也通志孫載字積中崑山人潛研堂金石文跋攷中吳紀聞積中神宗時除廣東路常平哲宗時諸路常平官廢通判陝州遷廣東轉運判官通志亦云元祐初此刻稱積中者載也登治平進士第好汲引士類晚歲以嘗薦元祐黨人乞祠歸而宋史不為立傳茲得其題名因表出之元祐元年歲在丙寅時公謂為轉運使積中為轉運判官時仲師節俟考

李之紀等題名

正書六行題名四人各一行年月二行在池中破石上

李之紀仲明吳荀翼道張升卿公謂蔣之奇穎叔元

祐二年三月十六日會于藥洲觀九曜石

按通志時荀任轉運副使升卿轉運使之奇宜興

人知廣州軍州事

據碧落洞題名之奇四年罷帥

惟李之紀無可

攷此刻通志未見

連南夫等題名

正書七行行七字在池中破石上

紹興九年歲在己未二月初吉藥洲春水新漲小舟初成連南夫鵬舉口正明甫周利見君遇王勳上達龍公邁伯咎載酒同遊

此刻通志未見按通志連南夫紹興七年知廣州軍州事周利見紹興十年轉運判官王勳提舉市舶龍公邁提舉常平皆紹興八年惟口正字明甫

者無可考 粵大記連南夫湖北德安人高宗時
累官廣東轉運使後知廣州兵馬鈐轄金人歸河
南地南夫賀表云虞舜之十二州皆皆我有商於
之六百里當念爾欺秦檜惡其語罷之 潛研堂
金石文跋云直齋書錄解題有連寶學奏議二卷
寶文閣學士安陸連南夫鵬舉撰和議成南夫上
表得罪乃鯁直之士也公邁詠之之子所著歷代
紀年十卷今猶有傳本又號傳密居士亦見直齋
書錄利見官左朝請郎贈金紫光祿大夫即益公
必大之世父見渭南文集 繫年要錄紹興六年
夏海寇鄭慶寇廣州扶胥鎮為官兵所掩遂絕洋

趨南恩州六月甲午詔廣東經略使連南夫疾速
措置八月庚戌廣東經略安撫使連南夫言經制
盜賊事不可待報者乞許便宜施行七年八月
竇文閣學士知廣州連南夫特進一官仍賜詔獎
諭以招捕惠賊曾衮之勞也南夫言水陸別無大
寇乞收還便宜指揮九年正月詔金已遣使通
和割還故地官司行移文字不得輒加詆斥連南
夫上封事言金素行欺侮使果厭兵正當乘其懈
而擊之凡千數百言十二年以竇文閣學士提舉

江州太平觀落職

詹文舉等題名

行書八行行六七字
不等在池中破石上

武夷詹文舉毗陵素太初長樂鄭才仲紹興癸亥季秋
孟冬兩乘晦沐追真率高蹤載酒以遊相羊竟日飲闌
磨崖聊紀良集

此刻通志未見按通志職官表詹公薦崇安人靖
康中提點刑獄紹興十二年提舉常平表復一紹
興十二年提舉市舶英德碧落洞題名紹興乙丑
十五年毗陵表復一解官舶司詹名公薦字文舉素
名復一字太初名字義合鄉貫亦同即其人也職
官表紹興十二年有轉運副使鄭鬲未知即才仲
否此題長樂蓋嶺南人也

呂少衛等題名

行書左行凡四行前三行行九
字末行四字在池中破石上

呂少衛方夷吾南容蘓小連會飯藥洲泛舟觀九曜石
紹興壬申二月二十有二日

蘓小連等題名

正書左行名三行行二字年
月二行行四字在池中破石

少連夷吾南容 癸酉清明前二日來

鄔大昕題字

正書四行行十一
字在池中破石上

長樂靈谿之源楚相潁川之裔烏飛于左春藻其旁
有宋乾道歲在丙戌藥洲之濱携筇放逸曜石星羅鏡
之以筆

按是刻不著姓名多作廋語翁氏金石略孫氏訪
碑錄定為鄔大昕所書通志職官表鄔大河源人政
和時廣州通判又有鄔大昨者紹興間知昌化軍

事又列傳引明戴璟通志稿鄔大昕字東啟河源
人政和二年進士任廣州僉判選舉表同據此則
職官表作鄔大乃仍翁氏孫氏之誤且誤僉判為
通判也以鳥飛于左春藻其旁二語合之鄔大昕
為是大昨或其昆弟耳

鄔非熊等題名

隸書四行行十二字在
池中西北石上右之下

鄔非熊宗望管湛之夫步自葛僊洲煮茶景瀛堂采鞠
茵谷撈舟九曜石下摩挲前蹟題刻而去
熙戊申十
月丁卯

按通志宦績錄非熊宜黃人
熙中進士官至廣
東提刑是刻為熙十五年正官提刑時也職官

表列非熊提點刑獄於圖祐時恐誤營港字定夫翁氏誤作之天通志因之乃拓本未顯耳以上三刻通志皆未見

張釜題記

隸書十行行八字在池東石上

慶元乙卯季冬十有三日同提點刑獄趙希仁山甫轉運判官徐桡恧蘇提舉常平劉侯碩翁提舉市舶唐弼公佐泛舟小酌其下惜題識之湮滅悲歲月之系留弔古感今三歎而返經略張釜君彙題

按通志職官表張釜紹熙五年知廣州趙希仁嘉泰三年轉運判官徐桡慶元元年廣南東路轉運使劉侯紹熙五年提舉常平慶元元年轉運判官

二年轉運使唐弼慶元二年提舉常平嘉泰三年
轉運副使與是刻互異可據此補正之 張釜號
隨齋丹陽人見龍隱巖游山七詠詩刻宋史宰輔
表事跡不著國宗紀載慶元四年右諫議大夫張
釜請禁偽學五年劾劉光祖附和偽學及請窮治
趙汝愚事蓋經略廣南之後召入諫垣嘗與正人
為仇者

李元素題名

正書二行在池東石上

肯慶元乙卯臘日建寧阜通坊醫士李元素

陳疇題記

隸書五行行十六字在仙掌石上

嘉熙三年己亥元己九仙墅瘦陳疇少錫泛舟僊湖觀

僊掌石摩抄薛刻誦米南宮詩奇哉弟姪翁誤同少臨

孫成之可大甥林璞藏用侍臨江蕭山則則山東嘉吳

偉茂遠上五字翁誤清汶翁誤趙時瑤躬玉長樂陳子木園

芟客也時瑤下翁缺

按陳疇仙掌石題記同遊八人惟成之見通志職

官表知長樂縣事肇慶府事而不詳年代餘俟考

黃朴題記正書七行行十一字在池中破石上

嘉熙庚子孟秋長樂黃朴成父約同郡唐璘伯玉蕭田

劉克莊潛夫泛舟仙湖湖多怪石其二峯尤壯偉乃宅

厥中而作亭焉左盤右踞勢若相向而巖巖挺立又類

乎守道不屈者遂磨崖以識之

按宋理宗嘉熙四年歲次庚子黃朴時任廣南東
路轉運使唐璘知廣州軍州事旋任廣南東路經
略安撫使劉克莊轉運判官圍祐間提點刑獄宋
史唐璘傳古田人與長樂並屬福安府故稱同郡
莆田隸興化軍潛研堂跋云嘗讀後村集譜其歷
任歲月蓋嘉熙元年丁酉由侍右郎官免歸主管
成都玉局觀二年除知袁州三年改主管華州雲
臺觀九月除提舉江西常平十月改除廣東提舉
四年庚子春到廣東任權郡事其秋遷廣東漕明
年辛丑改元圍祐以言者論列改提舉建康府崇
禧觀此刻題庚子孟秋蓋在提舉任尚未得遷運

判之命是歲後村年五十有四

顧孺脩等題名

正書三行行七字在仙掌石上

趙祐改元孟陬壬辰拙莆田顧孺脩劉行甫明甫同遊

趙祿等題名殘字

正書五行字數難辨在池中破石上

趙祿

周月卿言

王

洪唐元齡

仲日

以咸

乙丑

仲來遊

使

劉度臣刊

按是刻剝落殆盡咸圖乙丑度宗元年以上五刻

通志皆未見

考宋時廣南東路轉運使治在航海門內仙湖街開寶六年廣南平後置轉運使嘉祐中始定置署改偽漢南宮為之即今九曜坊之督學署也署有

藥洲洲有九曜石相傳南漢劉龔罰罪人移自太湖靈璧航海而至因鑿仙湖以通藥洲宋熙寧中周濂溪先生提刑廣南嘗居之嘉定中經略陳岷重疏湖水輦劉氏故苑竒石置其旁築堂濬池繞植白蓮士大夫多泛舟觴詠後人為建書院有愛蓮亭焉而當時與藥洲並傳者曰葛仙洲曰景瀛堂曰筠谷曰劍池皆仙湖勝地摩挲石刻猶想見之明嘉靖間學使魏校改建學署國初署遷育賢坊康熙五十一年學使張明先始行脩復廣東新語九石高八九尺或丈餘一石獨大合三石為之殆即黃朴所云宅厥中而作亭者亭久無存石

與沙水相蕩激昔人題識漸就銷泐乾隆丙戌正月池水方縮學使大興翁學士方綱命工洗拓著九曜石考二卷附粵東金石略後茲所編錄皆學士搜剔而得者後數年復為淤泥所沒雖經錢詹事大昕阮宮保元前後訪搨十未得其四五而米詩之刻於仙掌者更無能發其覆矣越六十年道光丙戌常熟翁中允心存大興學士族孫也視學至此亦乘池涸批榕根而出之既得米家詩刻并遍搨諸石題記題名以贈同好中允之好古好事洵足踵美前賢亟著錄之以補諸家未備時魏布政元堪亦以署東九曜之一元章時仲石墨見貽

九點齊煙遂成全璧

靈慶祠鄭惟幾等題記

四行行十五字至十二字不等正書刻
池靈慶公碑側下截在山西安邑縣

尚書屯田員外郎同監安邑池鄭惟幾右侍同監安邑池李材同詣靈慶祠伸祈禱右侍蔡張赴亦謁治平

三年八月二十日

鄧中立修南海廟碑

高九尺廣四尺六寸二十八行行四十九字
正書篆額額失搨在廣東廣州府南海縣

重修南海廟碑

敬遣黃迪篆江都曹隲書武陵章望之撰

天下之國蕃夷皆小中國之九州為大然而海量於九

州中國之民受天地中和之氣故其為與禮義同□□亦智矣□□□□而人窮其數地厚矣而人探其變航海之人不一而莫能知其所濱潮汐之往來有期而莫能究其所發以海外之不□□□□與天地同其生育而秘異無有焉然則其神之所尸威靈豈不盛哉望祀山川之禮權輿於虞書夏商周悉嚴四望則坎壇而祭不先日月星辰之位爾宅神莫之與隆及郊上帝大雩大禘又列享之後之世復即嶽鎮海瀆之所廟而祭之庶□□□禮織悉具存凡茲廟制成有殿堂像其神南面而坐爵號為王公神之冠服禮如其名今其風流緒狀有儼然前日之餘□□□□□□土以為壇每歲五郊

迎氣之日前以其方修其時享其為祭之具祭官及在
位者詔奠拜興鈞從事於壇尸俶像而無□□□□用
以古法是供而無降神之樂禮之變豈一邪南海神祠
舊隸廣州之域今在扶胥鎮之西曰東南道水陸之行
里鈞八十號其神曰洪聖廣利昭順王立夏之節

天子前期致祝冊文命郡縣官以時謹祀事犧牲器幣
務從法式罔或不恭典刑其臨汝今之守是邦者常節
制一道曰 經略安撫使兼治州焉其馭事大其統

地侈

朝廷必擇望人為之位既高往往懈於事神

失虔

上意故海祠久之不葺先時此民與海中蕃

夷四方之商賈樵居焉皇祐中廣源州蠻來為寇民之

被殺之餘流散逮盡後雖歸懷無復昔時之饒□及是
嘉祐七年秋風雨調若五穀豐實人無疫癘海無颶風
九縣旁十有五洲無盜賊之侵民相與語曰茲吾府帥
政□公平所召亦南海大神之賜遂入謁府廷曰海祠
頽敗願輸吾貲新之用以荅神嘉公曰是吾心也不言
吾且有命乃以□之□□□□之屋三百餘間宜革者
舉新之九月興役明年五月事既府命縣曰其以牲酒
告成於神府帥者誰尚書左丞集賢院學士余公也公
生始興尤熟南俗嘗破廣源之寇又嘗為帥桂林又嘗
以安撫使莅之廣桂一體也其恩德固已浸淫此邦矣
下車之日□自承風故令易孚而和氣易洽至其宅美

甚多非廟所宜及望之引避

朝命南游羅浮山回

公之寬裕宜人知公之虔恪宜神因道廟下稽首海德
作詩遺南人歌之詩曰伊神孔碩司海于南河伯之元
嶽祇之參誕惟厥靈風雨不口德實孚民民依以瞻惟
海洋洋允敷無外川谷攸同天地攸賴爽惟時大罄天
為對育物之無名分其沖宜爾無盈兮古之天子以時
望祀肇廟其旁越在後世冊以王爵袞冕有偉介珪是
瑞太牢是犧嘉祐名元新宮既績惟斯民之力惟令之
職惟元侯之口惟元侯之德由大君錫神休其無
數四章八句

治平四年十月一日立

劉玉刊

屯田員外郎前知番禺縣鄧中立重修

屯田員外郎前知番禺縣王師元

屯田員外郎知番禺縣事謝伯初

朝奉郎守尚書職方員外郎通判軍州兼管
勾市舶司騎都尉賜緋魚袋孫□先

朝奉郎守尚書都官郎中通判軍州兼管勾
市舶司輕車都尉賜緋魚袋陸□□

龍圖閣直學士朝奉大夫尚書兵部侍郎知廣州廣
南東路兵馬都鈐轄本路經略安撫使上柱國賜紫
金魚袋呂居簡立石

宋史章望之木傳望之字表民以蔭監杭州茶庫移
病去歐陽修等薦之除簽書建康軍節度判官不赴

又除烏程縣趣令受命固辭此碑云引避朝命即其事也集賢院學士下闕二字以歐陽修余襄公神道碑考之當為余靖但史傳不載尚書左丞蓋元豐未改官制以前左右丞俱寄祿官故史略之爾散遣黃迪不著里貫攷宋史常秩傳詔郡國以禮啟遣據此則迪必此郡人為本郡築廟額不可稱廣州故變文

耳

廣東通志
金石畧

按拓本可辨者余公二字而外核之通志所錄尚多二十七字番禺縣鄧中立王師元謝伯初通判軍州兼市舶司孫某陸某可補通志職官之闕鈞從事於壇尸殿像里鈞八十兩鈞字皆同均詩四

鏃既鈞春秋成六年傳善鈞從眾史記魯世家年
鈞擇賢義鈞則卜是也借蜡字別體

康衛陳懌石室詩刻

高二尺一寸廣三尺五寸二十七行
行二十字正書在肇慶府七星巖

再經舊遊偶成拙句寄呈

知郡殿丞提點刑獄尚書郎康衛上

峽外煙雲迤邐開人家門戶小樓臺青山涿水應相記
二十年前到此來 右過端州

當時曾此牧黎元屈指光陰二十年別後每思佳景物
再來重覩舊山川因罹兵革成彫弊忽訝閭閻盡改遷
皇祐中經
蠻寇蹂躪故吏老民皆白首使君疑鬚亦皓然

右過康州

懌啓伏蒙

提刑郎中寄示再經舊遊詩二首敢賡 嚴韻

拜 呈幸異 采囑殿中丞知端州事陳懌上

竇歷江山眼重開

平成搖轡賞嵩臺後歷岩古号嵩臺石室公巡按之餘因而至焉晉康假道昔

為守按部今持使節來 右過端州

民居城柵盡非元雅有江山似昔年 聽訟棠陰遺舊

址德賊作通部舍焚蓋按行臺旆照晴川重來自喜 恩威洽

別後常嗟歲月遷道側老人曾卧轍拜迎相顧倍怡然

右過康州

熙寧二年三月十八日刊勒于石室懌書

按康衛字寶臣見是年三月六日陳懌七星巖題名詩云二十年前到此又云昔為守今持使節康衛提點刑獄為神宗熙寧二年己酉上溯二十年則其出守端州當在仁宗皇祐二年庚寅年次可考而廣東通志職官表提點刑獄及知端州軍州事皆不載康衛又以陳懌為陳擇並沿舊志之誤

三天洞包廓等題記

高尺五寸廣二尺七行行
六字正書在江蘇蘇州府

按田來蘇遂遊三天洞愛其恠竒良久而去桐廬包廓
林度維揚王仲說巖翁熙寧庚戌九月晦日

李忠信墓表

高一丈四寸廣四尺二十三行行五十九字正書在山東泰安縣

宋故李公侍郎墓表

并序

承奉郎守大理寺丞前知開封府陳留縣事姜潛撰
天子以士大夫之賢繇通籍於朝之上其先不及以祿
養又不得序官列爵於位者偕因

國家有事於天地宗廟咸追賜以官又累而上之於高

顯

朝廷禮士大夫可謂厚矣欲使為人後者深思先世所
以教養之德

大君所以寵錫之命以感激臣子忠孝之心也如此

泰山有篤行君子曰李公馬以其子貴追贈厥官累之
至於尚書兵部侍郎公之嗣穆具其行謀誌實而來
請於潛曰先子雖以嘉祐丁酉既克葬於奉高有銘已
納於壙中茲見於後世又思得子之言實之以文表顯
於墓道然後爲不朽以穆嘗學經於君之先大夫知
先子之行宜熟潛聞而嘉之夫士人之孝生而能養志
沒而能盡禮又能徒步起家有位於

朝使其先君獲受美官旣已爲之誌而又爲未足以光
昭令德復欲著懿實以表之然則君之事親茲亦至矣
謹按公諱忠信字□□七世之祖嘗家於營□後之從
任於宛又爲宛人所居偕以望族稱越三世寔生評評

生 公公實諱寯之孫而諱評之子也 公姿制朴茂
標量閎博口口而行絮氣完而節固行已治家動可儀
法通五經尤長於詩禮州郡再貢試於禮部不中遂晦
迹含光耽樂畎畝親執耕耨於泰山之陽有良田百口
歲入豐羨供伏膺外悉以周族人之不能自存與其鄰
里鄉黨之匱乏者至於竭盡曾不之顧魯人尤以此義
之公既老遂付家事於子孫曰惟放意於琴碁杯酒間
怡然得林泉遐遙物外之趣而君子所謂自足者也以
天聖三年七月二十九日感疾終於家享年七十有一
夫人魏氏後公五年而已生口口子六女女偕得令族
以歸男之長曰程次曰楨次曰惟慶季則穆也穆以明

經取高第用材業進所至稱治當世名臣以吏能薦諸
朝者凡四十人三建使者節四治劇郡今為尚書司勳
郎中孫十一人文逸文爽宗諒宗詠偕惟慶之子也宿
宏壽師彥公彥啟彥宗彥偕穆之子也宿宏早世宏嘗
為試校書郎矣壽前任江陰軍判官師彥公彥為太廟
齋郎悉用司勳君之世賞也曰子若孫循守 公之法
度孝謹善繼知口以謂李氏之後其未可量也古人有
言曰善惡之報不在其身則在子孫豈 李公之謂邪
公之善慶固知其遠矣姑立表以遲焉乃為之辭曰
玉之在石兮含華蘊光 木之秀林兮懷材抱良 君
子積行兮不及發揚 身雖弗遇兮後世克昌 有子

承考兮貴而為郎 孫之衆多兮芝蘭益芳 漏泉之
澤兮有德以當 佳城永閔兮千古所藏 貴名之起
兮孰可較量 泰山之高兮沈水之長 願言來裔兮
繼之勿忘 次詩以實兮表之墓傍

朝奉郎守尚書水部員外郎監在京西染院輕車都
尉賜緋魚袋郭栗書

承務郎前行嘉州平羌縣尉兼主簿事趙伯起篆額
大宋熙寧五年歲次壬子八月丁丑朔丙戌日建

按贈尚書兵部侍郎李忠信墓表姜潛撰姜潛字

至之以進士入仕石介兄慎齊長女之婿

見石氏墓表

與東坡遊習嘗以藥名相嘲指為蠶制之者

見孔氏談

苑元豐九域志交州秦圍軍節度縣七奉符州東北一百八十里即今秦安縣漢曰奉高表稱奉高者從古地也宋仁宗嘉祐二年歲次丁酉神宗熙寧五年歲次壬子葬十六年而表其墓也

祭武襄公狄青文并序

碑二截上截祭文二十一行行十七字下截序二十七行行二十八字並正書篆額額題御製祭文四字

御製武襄公祭文

皇帝特遣入內內侍省內侍押班張若水致奠于故贈中書令兼尚書令狄青之靈

維熙寧元年歲次戊申五月壬申朔二十四日乙未皇帝特遣昭宣使忠州刺史入內內侍省內侍押班張

若水致奠于故贈中書令魚尚書令狄青之靈惟

天生賢祐我

仁祖沉鷲有謀重厚且武昔居校縣功名自意暨登筵
帷益奮忠義惟是南荒有盜猖獗陵轍二廣震驚京闕
群公瞻顧莫肯先語惟卿請行萬里跬少首葭騎將大
振吾旅金節一麾孰敢齟齬遇賊于原親按旗鼓彼長
牌槍我利刀斧馬馳于旁擣厥背膂驅攘殲縈如手探
取奏功來朝遂長右府旋升外相均近邦畿如何不淑
早弃盛時逮予繁服弗觀音儀因覽遺略及觀繪事緬
懷風徽感歎無已遺使臨奠用旌前勞靈而有知當體
茲意尚饗

熙寧元年五月戊寅

上御延和殿西上閣門使狄諮以職事進

上曰

若之先父書有勞於國征南之事亦有遺書存乎宜盡
度其所有以聞諮即以平蠻記及歸仁鋪戰陣

二圖以進

上覽之於是拊髀而歎息思雲臺之

故將今不復見也乃發乎昭回之光披而為文遣昭宣
使內侍押班張若水齎上尊太官之饌即所居祭之

上又曰圖中見乃父遺像恨不及識之如聞當時

亦有讒之者朕為之愴然諮頓首再拜謝臣謹按公在
仁宗時奮於戎馬間捍西羌連取奇功及為樞密副使
於時峒蠻儂智高出廣源州以驚南徼屢擢名臣以往

訖無成績賊鋒瀰漫繞邕廣數千里民舍無遺堵

天子側席而謀疇議將臣公即進言小醜猖獗請為陛下破之

天子歎其忠乃以大將軍缺鉞出行天討既就道下令諸將無得妄發兵裨將陳曉輒率所部出崑崙關與賊戰軍覆公以兵法誅之諸將皆震恐不敢後遂至邕敗賊于歸仁鋪賊窮奔海而遁進公以樞密使久之有飛語不復自辯遂請解機軸而去

天子加賜丞相印出莫淮揚明年遂薨公負謗言歿於地下矣方夷狄之暴橫公躬提枹鼓厲三軍於鋒鏑之間北嚮以報功世皆稱其忠勇及解甲而還邊境無所事或者起而攻之而世亦未能盡辨也及

上親

為製文以祭之又以一言明其讒則公烈表表愈明白
亘乎無窮而不可磨其平生鬱積之氣負於九泉者亦
已爆然破壞矣於此之時仗鉞之臣冠鷖之夫伏讀而
傳誦之莫不竦首頓足却立而四顧思為國家橫戈環
甲爭先以鞭撻四夷足雖未馳而憤勇之氣已衝薄乎
瘴海之南而大漠之北矣諾且欲侈

大君之賜

明先且之烈於是刻之金石表於墓次俾夫來者觀之
不待鐘鼓玉帛之賜而有以知勸矣熙寧二年正月六
日翰林學士尚書兵部員外郎知制誥呂鄭獬謹序六
年十一月二十五日右諫議大夫充集賢院學士史館
修撰宗正寺修玉牒官巨宋敏求謹書并題額

東上閣門使管句客省四方館公事句當 御前忠
佐軍頭引見司兼提舉集禧觀中太一宮公事臣狄
諮立石 太原臣任貺摹鵠

按宋仁宗皇祐四年懷智高寇廣南陷十二郡九
月詔狄青討之五年正月狄青夜度崑崙關大敗
賊於邕州之歸仁智高走大理廣南平考平蠻碑
及宋史東都事略並與此合吳曾能改齋漫錄備
載祭文並記青子諮奏事延和殿神宗問青遺書
詔上平蠻記及歸仁鋪戰陣二圖神宗乃自為文
祭之方是時神宗春秋正富文已如此即本鄭解
序也漫錄祭文校縣作校聯自熹作自喜暨登作

既登驕將作騎將牌槍作排槍均近作均逸前勞
作前勤以音義考之近之作逸湯錄字誤聯作縣
勤作勞則書石誤也遺予下缺纂服二字從湯錄
補鄭獬字毅夫安陸人皇祐五年進士第一通判
陳州入直集賢院知制誥英宗即位數上疏論事
出知荆南還判三班院神宗初召拜翰林學士權
知開封府以不肯行新法忤王安石出知杭州徙
青州力言青苗之害引疾提舉鴻慶宮卒有郎溪
集三十卷史稱其文章豪偉峭整議論剴切精練
民事宋敏求字次道趙州平棘人參知政事綬之
子進士及第官至史館修撰龍圖閣直學士事具

宋史本傳敏求嘗預修唐書又私撰唐武宗以下
實錄一百四十八卷於唐代史事最為諳悉今存
唐大詔令集一百三十卷長安志二十卷此碑熙
寧元年五月御製祭文二年正月鄭獬序吳曾疑
神宗之文即本獬序非也敏求書石則在六年十
一月文序及書可稱三絕任貺摹鏤亦為當時能
事曾布晉祠題刻即出其手遣祭官張若水嘗從
狄公南征即平蠻三將題名第一將下之走馬承
受公事入內侍省內西頭供奉官張若水也

金石續編卷第十五終